

江陰縣志卷之二十三

寺觀

嘗讀前邑令蔡君重修廣福寺記輒嘆其為治之能善誘人也以好德為求福田利益者樹之的其言非迂其心良苦遵斯道以牖民尙何奇表之弗率教哉茲邑寺觀率建於前代且多蕭梁以來古蹟半雖毀圮仍存其名與址所在而弁以廣福寺并繫以蔡君之文俾吾民知多福之在自求焉志寺觀寺

廣福禪寺在大街廣福寺巷內規制宏敞為邑中諸刹冠江陰縣志

卷二十三 寺觀 寺

一

大殿安奉

龍亭慶節朝

賀宣講

聖諭開讀

詔書皆詣焉本乾明廣福二院其一古崇聖院宋太平興國五年賜額乾明其一初名華藏為乾明子院治平間賜名壽聖紹興間改廣福乾道九年知軍嚴煥請於朝始併為一大殿三間殿後為法堂堂後潮音閣亦名萬佛閣高十二丈兩廡僧房曰白雲覺凡懷樓水月幻居遠塵又有毘盧閣

今白雲為方丈水月為公善堂遠塵毘盧閣俱廢

地藏殿泛海殿

泛海者天聖元年觀音像泛海而至建殿奉之宋王孝  
竭元胡應青俱有記胡記趙孟頫書前爲天王殿殿前  
山門殿東西鐘鼓樓鼓樓圯鐘樓高六丈鐘元至正九  
年鑄明宏治九年潮音閣火嘉靖十五年正殿火寺僧  
募修萬歷四十二年割寺西翼建學使署

國朝康熙十二年學使俞二球捐修乾隆八年知縣蔡澍倡

捐重建正殿泛海殿天王殿兩廊諸宇五十八年淮南商  
捐銀五千邑士民助捐修葺道光十二年學使廖鴻荃  
知縣陳希敬倡修大殿十八年邑人重修天王殿

### 重建觀音殿記

宋縣尉 胡應青

## 江陰縣志

### 卷二十三

#### 寺觀 寺

二

暨陽乾明廣福禪刹舊爲壽聖院西廡有殿祠觀世音  
大士實邦人祈福所宋天聖間像浮海至壽聖迎以歸  
嚴事之嘗感夢吳氏子斷臂復完石志足徵也殿多歷  
年所穿風漏雨更幾住持過弗問南山祖師暉坐丈席  
銳以興起自任謁諸檀信哀金粟拮据捋荼靡憚勞勤  
且捐衣鉢資相其役際州牧戎帥咸樂善勸施撤舊營  
新棟隆宇壯丹楹藻稅驚耳奪目恍如小白花巖現紫  
金宮闕落成日薌雲滃空士女趨慶合掌讚歎得未曾  
有於休哉暉師請記於余余告之曰師知觀世音所以  
名乎世間音可以聞不可觀而觀之也何居經云觀其  
音聲而得解脫匪觀以音觀以心耳法介惟心心心相  
照當有自得於聲音之外者是名福德藏應作如是觀  
師湖海尊宿繇定慧明教來主是山闢垣展關列樹嘉  
木羣像軒豁百廢修舉茲事尤大殊勝法宜書余吳之  
鄙人宋季筮仕於此久皈敬大士靈響混一後十五載  
重來又三十稔若於普門有夙緣雖不敏記何敢辭

### 重修廣福寺佛殿記

明邑人 湯沐

乾明廣福禪寺在邑城中歷唐宋已有之始分後并復  
更嘉靖己丑歲釋大永奉祠部劄來住持方期年喟然

嘆曰此固祝釐聖壽所匪直聚吾徒為參養計耳吾力  
縱不能益之而坐視其廢若此豈吾教宜然耶乃謀於  
僧會釋大題志同議合遍叩戶信哀集眾資且捐衣鉢  
用助其役如大雄法輪二殿相貌塑飾金碧輝映土甃  
巧鏤簷棟翬飛餘如庶兒之類以次而將事焉用是入  
者改觀依者起敬是雖檀越一時之向善匪二釋戒行  
之素孚招徠感召未克悉致何數十年司守凡幾更而  
僅見於茲耶予嘗見鄉間世族之子孫於祖創遺廬舍  
罔念艱難居者不加葺而坐視其朽甚者舉間架而市  
易之以為酒食費其視二釋何如也因其請記重有所  
感書此以歸之捐  
貲姓名例列碑陰

### 重修廣福寺記

國朝知縣蔡澍

予令江陰日以崇正學屏異教為兢兢獨廣福寺久圯  
倡眾而修之寺於前朝屢有興廢至明萬歷十一年大  
修祝聖寶殿後九年復修天王殿額其門曰迎龍屆祝  
釐有司習儀於此歲久不治前後殿額繼圯寺僧屢募修  
今夏余乃捐俸為倡鳩工庀材數月落成恭設

龍亭於

### 江陰縣志

### 卷二十三

### 寺觀

三

中舉唐宋以來千餘年之古刹一朝而改厥觀履其階  
望其宇興降有儀拜舞有節莫不肅然生敬者幾忘其  
為梵宮法界矣夫邑之寺以百計獨茲寺為觀瞻所係  
者特以其為祝釐地耳洪範曰皇建其有極斂時五福  
用敷錫厥庶民曰子攸好德汝則錫之福但化其偏黨  
反側之心以其遊於平康正直之王道則所以獲福者  
在茲矣予即千年選佛之場示萬古尊王之義俾愚夫  
愚婦之求利益福田者皆曉然於其說之無稽而返而  
求之於倫紀則所以相生相養而共享夫錫極斂福之  
休者何廣如之此則予改建廣福寺之意而願與吾民  
共論之者也因  
書之以麗於碑

太平興國教寺在南街宋太平興國間建大觀初燼於火  
惟存浮圖七級元復建至正間廢明洪武十七年重建  
萬歷間修

國朝順治間重建大殿乾隆七年知縣蔡澍重新浮圖重建

天王殿四十七年邑人復新之嘉慶二十二年浮圖架木及頂悉燬於火而輒罄猶巋然屹立

重修興國寺浮圖記

明邑人 夏樹芳

興國寺在邑之南街宋太平興國中建遂沿其名元大觀初燼於火惟浮圖七級若魯靈光至正庚申以兵燹廢國朝洪武十七年重建正統間復初浮圖至嘉靖三十七年學士水南張公謂塔為文筆峯有關於學校捐貲助修復以所廢殿基造文筆峯堂宏做鉅麗匪直為佛土津梁亦以菁菁者莪嘉與多士樂思皇也歲久漸圯萬歷十九年縣令侯官朱公給示修理命義民金態并戒僧太初圓鑿董其事經始之日鑿地而得白金三十兩是時眾工方聚食廡下獨義民以手觸之人無知者義民則舉手加額曰昔祇園欲建黃金滿空得無類是耶遂與太初愆憑成事太初則堅矢一心昏旦募化四體皸痂弗為憊復有道人王明淨與太初相為仔肩以故十方檀越雲流川至鳩工庀材金碧輝煌而復得以前餘貲增砌大雄寶殿塔之役始於十九年三月迄於次

江陰縣志

卷二十三

寺觀

四

年六月前後營金一千一百兩有奇殿之役始於二十四年五月迄於次年十月前後營金六百四十兩有奇其佛像迴廊於今始得竣事蓋金石之難為功如此今太初已歸淨土道人亦復化鶴獨一義民黃面瞿瞿指陳功德亦可慨矣茲山之住持曰淨明以一大事因緣不可無述因記其事

續修興國寺浮圖記

國朝邑人 須天祿

吾邑浮圖在天慶門內相傳建自吳赤烏間而寺則以宋太平興國顯蓋體勢魁磊宏整凡塔所同而凌厲銳上湧烟浮翠秀爽轟入雲際則較諸郡邑為尤勝考之方輿家言江城局取丙丁上應為羅星北收大江之水嚮南離位象為文明丕振一邑文治且地接鬻序孕靈毓秀脈絡連屬故雖名隸招提而文教之樞紐繫焉滄桑數更日就剝落古青蔡公莅治歲久政通人和邑紳士謁於公公親臨相度籌費飭材雲合雨集經始於乾隆庚申迄壬戌季冬而集事自顛至末璀璨麗瑋掩映於園橋璧沼之旁維公之烈與斯塔壽於無極是豈尋常興建所可企其萬一哉乃撫實而志其事如此

祥符寺在縣東北隅晉庾冰捨宅建名永安院宋祥符中易今名元季廢明洪武間萬歷間重建尋圯惟遠風樓尙存

國朝康熙十一年割寺址爲水師營房寺遂狹樓亦圯

迎福講寺在南街初名報恩院唐天祐中陶靜捨宅建殿梁中斷俗呼破寺其牆方勝壞不能甃蓋出古巧匠手明洪武十八年重修改今名中有冰蓮堂以復法師冬日寫經池上擲筆生蓮故名

國朝嘉慶初僧明如募建後殿

報恩光孝禪寺在君山西麓唐天祐間建初名永壽宋淳江陰縣志

卷二十三

寺觀

寺

五

化間改壽凝紹興間爲高宗追福地賜今額又改光孝元季廢明初再建

國朝康熙十一年割其地爲水師營房僅存大殿五十八年僧超然募建禪堂五間

禮敬寺在定山北麓宋乾道間建元季廢明洪武元年重建

國朝康熙間僧靈曜修道光十八年重修

太清寺在砂山本太清觀舊址唐天祐間建宋景德間賜額景德院元至正間易今名後兵廢明洪武元年重建成化六年修

國朝康熙三十六年僧浩然募建大殿雍正十二年重建天  
王殿道光七年僧達如重建後院

白龍寺在白龍山西北麓唐乾符四年建上有龍洞禱雨  
輒應元季燬明洪武元年萬歷四十六年重建

國朝康熙間增建山門後樓

石佛寺在白龍山東北麓舊名棲真菴宋紹興間建

香山寺在顧山宋建炎初建名顧山菴元季廢明洪武三  
年重建天順初僧玉峯擴而新之請額於朝賜額觀音  
禪寺內有昭明太子文選樓久圯

國朝乾隆五年知縣蔡澍重建樓

江陰縣志

卷二十三

寺觀

寺

六

香山觀音禪寺記

明 徐有貞

顧山山小而有名者也其形勢像龜之左顧山是以  
一謂之顧山一謂之靈龜山以其生蕙蘭芳草謂之香  
山以其地當澄江梁溪琴川之交也又謂之三界山其  
視蘇之虎邱潤之金焦泉石之清麗若不足而原隰田  
壤之饒沃為有餘其前湖而後右江邇通茂苑遠連滄  
海而以一卷之多崕嶺之大蟠踞其間翼張味歛畫摩  
而得之堪輿家以為勝地山之北麓有招提焉坐昭陽  
而向元默宋建炎間有淨觀法師者遊歷顧山見其地  
之勝也始卓錫開山甲乙相傳及元之季世燬於兵燹  
國初僧獨芳茂公載興而闢之其後穎中銛公承年昌  
公相繼而增修之至於玉峯珂公承三師之緒擴而宏  
之大殿中嚴兩廡旁掖凡其法中所宜有者無一不備  
天順改元之冬玉峯徒步北上以請寺額於朝事下祠  
部移文往來踰年而始從之敕賜額曰觀音禪寺玉峯  
因與其徒清徹勒石為記乃具事本末走中吳覲予三  
請之三辭焉而其勤弗已於是乎為記其山川之形勝  
寺院之規制與夫興修之事蹟賜額  
之年月以傳之方來使有所考云

章卿寺在章卿鎮吳赤烏間建一名資福元季兵廢明洪武三年

國朝順治十二年重建增置田畝

永壽寺在楊舍城內宋靖康元年建元季廢明洪武元年重建萬歷間修

國朝康熙四十四年僧鑑如募修分東西兩房嘉慶二十一年

三月火六月又火大殿西房俱燬住持募建西房

能仁寺在毘山一名中山宋元豐三年僧勝法建元季廢明洪武元年重建

國朝康熙間修舊為董文敏讀書處

江陰縣志

卷二十三

寺觀

寺

七

勸忠寺在由里山邱忠定墓所宋淳熙間建元季廢明洪武三年重建宏治元年修後改名白雲菴

國朝雍正間重修復寺額

復勸忠寺記

國朝邑人 楊名時

江邑由里山之東其修然高者曰有宋名臣同知樞密院忠定邱公之墓旁有寺曰勸忠忠貌公像而祀焉則皆故宋賜地也惟公歷仕孝光凝三朝更踐台閭清風大節炳麟汗牘厥初易名實曰忠定賜寺之額其義較可知矣夫賢者之蹟久而不忘不惟其子孫之所愛護鄉人之所稱道苟過其地按籍而求之不得則悵惘歎息悲其湮鬱得之則徘徊瞻顧生其景仰雖檐楹壞缺碑碣殘斷猶足以激發忠義而感慨興起所繫顧不重歟然而世遠澤衰寢以譌易或有托迹鄰近心艷其地而思侵蝕之者寺改為菴額則撤勸忠而白雲之謂是浮屠氏之常居耳漈滅往蹟無復顧忌邱之宗人以爲憂邑之士夫亦不善是也合詞請於邑令葉侯葉侯備謁

諸監司節憲則皆曰復還舊觀畫明地分俾邱氏世守勿替永絕侵蝕之萌凡所以昭忠而教孝甚盛事也家書來南述邱氏之指乞文之石以示後無已曩者余嘗憇於斯矣古人有言曰思其人猶愛其樹矧以爲棲神之所乎抑是寺明洪武時詔有司葺治矣宏治之元宜興少師徐公又從而碑之古之人倦倦於此而必欲存其故者則必有以焉耳爰紀歲月用答其意且以誌邑之士夫若公之生平行誼則國史書之地形之廣袤及寺創始修復之顛末則家乘存焉無俟予言也

悟空寺在青陽鎮卽隋招隱院宋太平興國五年改今名元季廢僅存浮圖名華藏塔明洪武十三年重建

國朝康熙間修道光十六年夏雷火塔燬

慈雲寺在馬鎮卽梁興建院大同元年建唐太和二年重建元季廢明洪武十七年復建又圯

江陰縣志

卷二十三

寺觀

寺

八

國朝乾隆初重修道光八年火殿門俱燬九年重建山門

永安寺在夏港鎮宋咸淳間徐膺捨宅建元季廢明洪武六年重建

禪鄉寺在利城鎮前宋蕭惠開爲父思話建元季燬明洪武初重建寺界武進江陰孔道中內設官廳五間爲官司路饌所

國朝嘉慶三年建大悲閣道光四年增建兩廡及天王殿後梅寺在後梅鎮原名報恩宋淳熙四年建元季廢明洪武五年修

國朝道光十八年修



菴

紫金菴在花園巷明諸生董去華室黃氏建爲尼居後鬻於營兵

國朝康熙十七年贖建火神廟萬佛林地亦併入乾隆四十

三年重建佛堂嘉慶十八年增建後殿

三元菴在三元坊巷俗名三官堂明嘉靖間建

國朝康熙間修

華嚴菴在學院署後本明學使毛一鷺生祠衆後毀其像爲菴內有窰變觀音像蹟頗靈異

準提菴在市口

江陰縣志

卷二十三

寺觀 菴

九

國朝康熙二十六年僧眉仙捐建

普濟菴在縣治西南一名西園明萬歷間馮時熙施家園建池水四周爲放生所

甘露菴在縣治南明天啟元年楊僕捨宅建僕卽玉林禪師祖也內有義井

法華菴在學宮前

國朝順治八年僧棲碧募建

湧塔菴在興國寺東北明僧慧壽建與興國寺浮圖對峙方塘如鏡倒影涵波故名

國朝時有興廢道光十五年修

十信菴在城隍廟西北明萬歷間袁一驥建

國朝乾隆六年修

琪琳菴在小教場西一名河南廟

國朝雍正間知縣魏化麟毀五通像建乾隆五十六年增建

呂祖殿三楹

真如菴在春暉門外門徑紆折竹林數畝塵囂不到為楊

文定公讀書處

乘願菴在春暉門外明萬歷間建

國朝道光元年因迎春館廢里人移建東平廟於菴右權為

迎春之所

江陰縣志

卷二十三 寺觀 菴

十

十方菴在朝宗門外本祠山廟明萬歷間僧廣寂增建

國朝康熙二十一年僧劔菴始創法席後遞加修葺遂成叢

林乾隆五年冬大殿火廢僧長齡募捐重建

十方菴記

明邑人 貢修齡

善知識誅茅結草四方善信應之遂成伽藍其後子孫  
各領一眾各私利養流為應赴至不知佛法為何事非  
開山者立法之不善實後人不知遵守之過也惟雲棲  
蓮池大師深鑒此弊峻設規條至今不替吾邑常惺長  
老蓮池高足自粵東回取祠山廢址勸立十方雲水禪  
院蓋已示無遮無作之義矣復做蓮池大意立十誓約  
以廣厲護持而尤致戒於慎選當家不收徒眾不立化  
緣不廣田畝俱一取記於神天極其慘切乃輪轉不久  
未免稍有踰軌慮遠日弛欲以諸約鑄諸石使大眾  
時時相顧警省請記於予予惟遺教經云凡我滅後當  
尊重珍敬波羅提木又今十約即此菴之木也觀其  
詞當想其人可不思保綏清禁而甘令門風墮落以負

其一片婆心乎遂矍然  
而復廣爲策勦如左

圓通菴在朝宗門外初名悟石菴明萬歷初建

國朝康熙五十二年僧道元重建大殿

法喜菴在朝宗門外明嘉靖末薛如淮建萬歷間僧元成  
等募修

長樂菴在天慶門外明萬歷間僧眞福募建

國朝順治間增建雷祖殿

吉祥菴在天慶門外

國朝順治四年建嘉慶丙子僧與高修

二里菴在天慶門外以離縣治二里故名明崇禎十八年

江陰縣志

卷二十三

寺觀

菴

十一

建

國朝雍正六年僧彬文募修

妙峯菴在西五里亭嘉慶十八年重建大殿山門

圓覺菴在君山南麓俗名黃泥菴明崇禎間僧覺海始結  
茅藥雨碧天相繼擴之易今名

國朝康熙間善鑑建大殿乾隆三年守貞重構前殿八年慧

海建藏經堂五間知縣蔡澍額曰枕山五十三年增建

大悲閣

潮音菴在黃田港口明萬歷間建港爲南北要渡建菴以

憩行旅有井亭一座

國朝康熙四年僧德悟修

綠蘿菴在黃田間西明崇禎間建

長壽菴在五堡明崇禎間僧性智建

法雲菴在五堡

國朝順治八年僧海湘改建偶菴禪師居此閱藏經又名閱

藏菴

法憩菴在綺山鎮卽三里廟舊址明萬歷四十二年僧如止建內有義井壁有小楷心經

善慶菴在綺山鎮卽七里廟舊址明崇禎間建

白雲菴在綺山西俗名小山灣內有泉

江陰縣志

卷二十三

寺觀

菴

十三

慶雲菴在雲亭鎮明萬歷初建董其昌讀書其中題金粟祥居額

飛錫菴在定山巒塔灣唐法響禪師駐錫於此故名玉乳泉在其下

寶倉菴在女山灣明萬歷間建

國朝順治間玉林禪師命徒超敬住持建屋拓基近菴十里河港悉爲放生所東有不退禪師塔

雙林菴在女山灣明初建岡巒四繞長松怪石錯置森峙爲林壑之勝玉林禪師卓錫於此菴左爲女仙臺

法鑑菴在周莊鎮

國初僧雲貫募建乾隆間履恭募修

護龍菴在華墅鎮明貢修齡建以龍砂兩山之脈直走長

涇故建菴鎮之

三覺菴在華墅鎮明崇禎八年建

興濟菴在長涇鎮明崇禎間建內有放生池

國朝順治間藥菴禪師居此道光十六年修

同聚菴在長涇鎮

國朝順治間建

妙嚴菴在顧山鎮宋咸淳元年建

來鶴菴在顧山鎮一名圓通順治十三年秋一鶴飛來且

江陰縣志

卷二十三

寺觀

菴

三

翔且下數日而去以此易名

來鶴菴記

國朝 錢陸燦

菴在江陰縣東八十里而遙其里曰曹莊又五里即入  
常熟界之西初菴名曰圓通成化間吳西郊建萬歷間  
其孫敬學修至順治丙申秋空中飛一鶴來且翔且下  
啄且盤桓於菴者數日而後去於是吳氏之孫凝監茂  
才諱復清者改曰來鶴而請張尚書大圓居士顏其額  
自成化迄今康熙若干年今日粗告歲事厥惟艱哉師  
泰州朱宣莊徐氏子也十二歲父慧公母錢氏見背薤  
染於萬壽寺為沙彌崇禎丙子從其師祖天然師月輝  
渡江由黃田港趨北角道中將泛海潮朝禮普陀而假  
道於茲茂才方以菴之莫與為也而見此三人者非常  
僧謀於介衆請師住持曰普陀非遠茲菴非近佛祖心  
印捐身誓命卓錫重城聖箭時三人許之五十年  
來心力殫盡酉戌之間二人示寂而師單身除饑崇揭  
山門掃除蒿蕪佛殿正中兩廂夾鎮以庖以漏且飭且  
浚又弛以西塔院殿宇力役躬親書其棟宇曰惟海賑  
於是抒信行力捐鉢單施買常住田百餘畝而施主張

念成伙助田一十畝有七分茂才之弟寂覺在菴修持田三畝有一分五釐計田一頃又若干畝菴基東買白潭魚池為衆姓四時放生之所菴之中鐘魚響答器用庀具菴之外竹樹茂密藩落闕固而師則又曰海賑發普陀之願而來因山主之請而住今年七十二老矣自今日以往海賑之事畢自今日以後則吾嗣守茲菴者之責亦茲方善信始終護持之力是恃嗣守之責則吾徒孫照德是賴凡係茲菴之一瓦一椽一草一木一畦一弓如護祖父如挾頭凶護持之力浮圖之香火即檀越之因果有其舉之莫可廢行百里者半九十海賑請以居士之文焚於韋神為聰聽於我佛而勒諸石為護法佛家多以夢幻泡影為空而空而能靈者吾即以鶴當之昔時之鶴忽然而來來於空也而兆茲菴之有勝因今鶴之去亦去於空也而菴在即鶴在在即空也安知吳氏父子不馮儀而為鶴而與天然月輝輩往來於常寂光以善護茲菴乎遂書為記

無量菴在楊舍城內亦名真武廟明洪武間建

舊志嘉靖戊午建城

後時有火災形家言真武廟高其殿脊可免居民相與新之火患遂息崇禎乙未僧淨六募修

江陰縣志

卷二十三

寺觀

菴

十四

三聖菴在楊舍城隍廟左供三元帝皆銅像

國朝道光八年修

法水菴在后塍

大慈菴在大橋鎮舊在南沙東興圩

國朝道光六年移建

柏林菴在雷西堡明萬歷間建以菴前後多植柏故名

國朝僧宵樹以清希文俱能詩非臺能畫

渡船菴在鎮山南江船於此濟渡故名

鎮海菴在鎮山北菴南有解崇泉西即桃源洞

竹林菴在白沙堡明建

國朝乾隆間僧獨巖重修

雨香菴在長壽鎮康熙間僧天益建

寶樹菴在茂墅墩林木深秀中有金錢松一株蒼古蟠鬱  
故名尹嘉賓讀書於此

麒麟菴在昆山南一名騎龍

國朝康熙間建以便行人憩息

澤枯菴在祝塘鎮萬骨塋旁一名愍忠

國朝順治二年僧印白收埋殉難遺骸即結廬於此十八年

邑人為之建菴

澤枯菴記

國朝邑人沙張白

江陰縣志

卷二十三

寺觀

菴

五

大兵底定西北跨齊魯平中州席捲大江以北檄金陵金陵

君臣相率潛遁長驅轉戰勢如破竹數千里之地罔敢

一矢加遺識天命也而江陰以九里之城百二十里之

疆索士民倡義首逆顏行堅守孤城者三閱月糧盡援

絕招之不降城且破男婦老幼自盡者被戮者十餘萬

人無一乞降者可謂愚矣惟其愚也故能不計強弱不

擇利害而視死如歸予嘗觀天下事敗壞於不愚者之

多而深歎此蚩蚩之衆能為千百世存忠義一脈也城

之初破積雨連旬殘骸腐屍縱橫遍地行僧印白衝泥

塗冒臭穢奪遺骸於餓犬貪鴉之口者二萬七千有奇

一時仁人孝子覓親骸而不得者多為此僧所先不無

遺憾然此僧以煢然子身倡義收殮使合城義骨不為

京觀而為首邱厥功偉矣又一年盡載其屍買地瘞之

名曰萬骨塋築菴其旁曰澤枯而屬予為之記予嘗博

稽載籍而歎江城慘禍前此未有也昔者堯君素之蒲

坂李廷芝之揚州殺其將矣百姓不與也張許殉節於

睢陽江州見屠於曹翰殺其民矣有巡遠胡則之忠義

智勇為之倡也而江陰無之其始也人為戰不煩勢

率而威驅其後也人為死不分從容與慷慨嗟乎封

比干之墓殷之貴戚也茲則間巷之中無非比干旌仁

瞻之忠南唐之大臣也茲則婦孺之流莫非仁瞻腐齒  
堅於金石青磷光於日星初何嘗計及後有人焉收其  
屍而葬之憫其愚而弔之也哉嗟乎龍戰之際薄海沸  
騰安危呼吸稍號明哲便可瓦全而瑩中諸人弗顧也  
挺螳臂以當車轍舉一卵而抗泰山以十萬匹夫匹婦  
之微爭萬古名教綱常之大謂之愚不誠愚哉瑩在祝  
塘之梧塍菴去瑩不數武四方之人頗有聞而弔者低  
徊留戀不欲遽去異日日久論定安知不與比干之墳  
劉仁瞻之廟同不朽於天壤之間也乎弔遺跡者可以  
廉頑立懦而鼓義理之勇愚者之有裨於世道賢於不  
愚者多矣孔子曰其愚不可及也夫

香草菴在祝塘鎮順治間僧省凡募建其後雪章聲御相  
繼增修地廣數畝四圍積水環浸跨板橋通之中間像  
設莊嚴庭前雜植花藥菴西隙地畝許鑿為放生池

### 香草菴記

國朝邑人 孔毓璣

## 江陰縣志

### 卷二十三

寺觀

菴

六

國朝

祝塘之東偏有香草菴經始  
順治間省凡禪師買地結茅為開山祖厥後大司農靜  
涵張率諸檀敦請雪章大師卓錫於茲茲菴之規模始  
大今聲御長老其法嗣也地方廣可數畝四圍積水環  
浸跨板橋通之中間像設莊嚴香臺石砌之屬備極精  
麗庭前雜植花藥盆山小景擅絕一時秋來則金粟飄  
香馨聞數里菴之西隙地畝許雪公之塔在焉鱗介之  
族沈浮出沒歷歷可數則諸檀捐貲捨為放生池者也  
憶余少時參雪公方丈叩上乘之旨迄今微言大義顯  
然猶在心目而雪公之化去則已三十餘年矣計此三  
十餘年中合鎮之風土變遷老成凋謝即堂宇之巍然  
者亦不勝舊時王謝之思而茲菴之景物悉仍其舊田  
廬式闢且視昔有加焉然後嘆浮屠氏之居猶不能無  
需於似續而况於族姓乎戊子冬余甥汪子天聲以公  
車來京師聲公寓書於邸舍屬余一言為記蓋恐成蹟  
久而就湮而漁者畋者或重辜始事之心也吾吳名勝  
什伯於茲菴者何可勝數而義取於放生即仁人君子  
對時育物之心也斯義也茲菴藉不朽而聲公之願力  
亦得有所托以並垂於無窮其間  
護持而培植之則在諸君子矣



盤石菴在文林鎮宋端平三年建明洪武間重建  
國朝雍正八年僧麗五修

奉先菴在文林鎮宋端平三年建明洪武三年重建  
山居菴在由里山南李介立隱居處今廢  
大樹菴在蔡村

邢泗菴在邢泗橋今名梵音宋建明崇禎間修

寶華菴在丁家蕩東有放生池

大隱菴在蔡涇鎮

黃梅菴在月城鎮

胥林菴在夏城鎮

江陰縣志

卷二十三

寺觀

菴

十七

彌陀菴在夏城鎮秦望山南

采莊菴在黃橋鎮宋崇凝間建爲江陰陽湖交界通衢置  
井建亭以便行人

道成菴在道成墩許眞君修道處

凝秀菴在青陽鎮明萬歷間建

三祇菴在塘頭橋明萬歷間僧坦然募建

國朝僧無礙重修

卽山菴在璜塘鎮明建

洗心菴在璜塘鎮一名水墩菴

衍慶菴在蕭岐鎮

兜率菴在夏港鎮宋淳祐間建

梵音菴在柴葫橋明建

騎龍菴在觀山鎮一名觀山菴

福慧菴在觀山鎮一名寶株菴

崇福菴在觀山鎮明建

國朝嘉慶二十五年僧開元重建

天福菴在虞門鎮宋天聖二年建明洪武元年重建有塔

曰瑞祥歲久圯

國朝道光十八年重造

東甯菴在申港鎮一名東菴相傳吳赤烏間建

江陰縣志

卷二十三

寺觀

菴

六

鳳塔菴在申港鎮

西竺菴在後梅鎮

福源菴在前周鎮宋淳祐二年建明洪武六年重建

河口菴在丁國山明建

接引菴在丁墅鎮一名茅菴明萬歷間建

觀

天慶觀在天慶門內俗名西觀宋祥符二年建先是元年

正月初三日天書降詔為天慶節十月令天下建天慶

觀

天聖元年以天慶聖節齋醮所費至廣詔禮儀院裁減江陰道士許自然進狀云黃帝內傳西王母降於

帝宮帝為設饌食王母云仙眾不飲不食豈享人間饌乎請自今止備香燭花果山泉藥苗宰臣馮拯以其言

奏之自此齋醮不用饌元元貞元年改名元妙後兵廢明洪武永樂間重建萬歷間燬崇禎間重建玉皇閣龍虎殿

國朝乾隆三十五年建山門嘉慶九年修玉皇閣道光六年修藥王殿十五年修祖師殿舊有碧玉亭丹樓諸蹟今廢

天壽觀在南街俗名東觀宋陳錡入元不仕施宅建明成化間道士張元靜重建玉皇殿嘉靖間徐德清修

國朝康熙初建斗姥閣乾隆四十九年改建山門舊有清隱軒竹鶴軒載夢舟諸蹟殿壁神將畫像奇古相傳為明桓法師圖筆後剝蝕重繪失舊時神理矣

江陰縣志

卷二十三

寺觀

九

天壽觀記

明邑卜榮

江陰城之東觀肇於前朝賜額曰天壽蓋老氏之徒祝釐於斯也三清有殿在觀之東南觀內閒地一方僅若干畝迺故宮遺址既多歷年鞠為茂草若荒墟然有鍊師張元靜曩歲會預選修道藏經居京師請命於以正邵真人等願以是閒地鼎建玉皇殿於三清之後真人等躋之即以拜賜內帑付元靜遂命工雕刻聖像巍然肅然仍以四相翊於左右舟載南歸跋涉數千里罔郵其艱邑人之樂施者日積月累鳩工庀材務底完好毋庸粗畧其間有承事郎鄭公遜屢給所費助其不及始克翕然就緒經始成化戊子之春訖功辛丑之秋棟宇嶙峋金碧輝耀居者往來者莫不觀像而起信學道之士益有以闡其元教而振其宗風焉凡所禳禱乞靈靡不立應其惠及於人不淺矣抑惟元靜固秉心惟一而猶善於養素氣足以奮之故不餒智足以明之故不惑材足以負之故不撓其克成厥美永奠攸居繼自今神明斯格神貺臻而天壽之無疆斯徵矣爰用登載俾後見焉

重修天壽觀記

明邑張袞

子惟宮觀之設多據名山臨福地而江陰天壽觀居縣治之中前臨高壤後接塵廬林木秀清岡巒映帶謂之城市山林可也觀之基相傳宋翰林陳琦故宅琦入元不仕因捨為觀四世孫昌言與其子大智疊跡逃俗遠訪名山提點觀事虔修釐祝朝命錫名天壽觀云是後其徒有若吳清隱若余然復若吳繼祖皆能世嗣其宗風元末觀毀於火繼祖常一復之觀稍治閱世若干又得徐祖壽蔣得真為充拓始建玉皇寶閣前有門左右有廡旁之隙地穿水為池作亭其上至是風雨剝蝕人力不修觀復大壞道會徐德清嘆曰觀名天壽吾徒朝夕焚祝聖天子萬壽地也此之不治得為臣乎於是出其私錢陶甃選材盡力以治寶閣元宮三門遂宇周廡曲逕莫不秩爾具舉歲壬寅子從太學貶秩東歸過其宮見其鼎新若此驚問誰為之曰此徐道士力也未幾子之官金陵不再聞矣卯冬德清復來請文子不能辭嘗聞道家者流其教本出黃帝老子以清淨無為為宗虛明應物為用慈儉不爭為行德清能是與否子不能知獨其修觀一事不告有司不勤勸募而忠敬一念惟

江陰縣志

卷二十三

寺觀

觀

二十

知有君忘其私殖頗類慈儉不爭之為者予故并書其事而刻之

院

佑聖道院在周橋南即真武廟宋元祐間建元至元間明

永樂三年

國朝乾隆間重建

君山禪院在君山東嶽廟東偏明萬歷間建

永定禪院在永定壩與黃田間相對奉金龍四大王像門

有高樓

國朝康熙四年建乾隆四年修

織湖精舍院在周莊鎮一名珊瑚院本宋放生道觀舊址

元僧改建旋廢明初重建

國朝順治間又廢康熙三年僧雪巖重建

放生池記

宋縣丞蘇磻

皇帝即位之二十載四方清夷文修武偃曠典逸章莫不以次蒐舉乃春正月有旨天下郡置放生池廣周天之澤從有司請也臣代匱守符仰承德意敢不祗若明天子之命江陰距城三十五里有織墩焉考之圖牒不載所自地勢爽塏其形蟠植若偃蓋然流水回環有茂林修竹蔭映於其上廣閑靜深魚鳥是宅不勞疏築宛然天成若有俟於今日者臣乃布宣惠化告諭農老設網罟不入之禁而水陸之居得以生息茂遂其皇明之所燭慈愛之所被顧不深且遠哉自唐肅宗置天下放生池入十一所昇州刺史顏真卿以文學名世撰述其碑請御書題額以光揚不朽顧臣何人而敢追躡然作為歌詩歸美報上此臣子之大義有不可以蕪累辭者謹齋心滌慮再拜稽首而銘之以詩曰於鑠炎宋文昭武烈奄有四方載垂二百天子明聖再造丕基輔贊彌

江陰縣志

卷二十三

寺觀院

三

縫時維帝師措安天下混一南北推此皇慈仁民愛物仁民伊何兵寢不試愛物伊何蕃殖庶類惡殺好生恩霑動植忠厚之政光於簡冊乃布睿旨徧爾寰宇濬彼陂池廣育鱗羽長江之陰地號織墩流水四環魚龍之困以流惠澤以遂生長息水居陸居安知帝力堯舜而上德施溥博草木昆蟲罔不蒙福鳥獸咸若夏后致平靈沼是營周文以寧鴻惟國家超軼前後凡在覆幬畢臻仁壽歸美君上臣子之義稽首勒銘以詔萬世

盛唐禪院在顧山鎮

兜率禪院在香山中峯頂

國朝康熙二十八年建

光嚴院在長壽鎮陳天嘉二年建明洪武十年重建

國朝康熙五十三年修

九蓮禪院在由里山南明崇禎初建

國朝順治五年僧別溪通振拓地增建院有泉冷然構亭其

上曰冷光院左葛文康墓再上為普同塔

仁壽院在青陽鎮宋建元廢明洪武間重建

國朝順治八年改建

錦樹道院在青陽鎮明萬歷間建

國朝雍正五年奉

敕重建

錦樹道院記

國朝鄂爾泰

江左山川形勝南戒之山蟠列荆吳奔趨句曲為仙靈窟宅道書第八洞天也句曲之脈東結於江陰而岷江奔赴亦滙於江陰而入海晉時許旌陽真君修煉其地邑人因以旌陽名其里今相沿為青陽云昔青陽沈鶴

江陰縣志

卷二十三

寺觀

院

三

江煉師棲真於此憚子靜三名養深者為桐山沈師之弟子桐山與徐子以時同師方子宗五宗五則師鶴江者也靜三囑余為錦樹道院碑記曰院故在旌陽里自鶴江師祖闢治弟子繼承勿替桐山沈師於康熙庚辰年值紀來京以時徐師住持院內壬辰年養深入侍桐山師於都職供道籙獲事

世宗於潛邸極先師鶴駕已逝荷

世宗登極先師鶴駕已逝荷特敕准關部使者遼陽年公鼎新道院為屋若干楹像設稱是又

今上御極之三年秋八月養深得假南歸葬母奉

恩賚優渥小子養深感激泣下思勒貞珉惟公寵之以文敢請

之敦行不殊鶴江生長旌陽里以孝入道桐山法錄精

聖恩思垂不朽其忠忱固有獨摯者斯真不墜旌陽之教而亦

儀也是為之記

白雲禪院在青山宋建沈志爲青山菴蔡志爲白雲菴  
正宗禪院在觀山鎮俗名龍墩菴宋宣和三年建

國朝康熙間重建道光十二年修

烏窠禪院在秦望山西舊名蘆崎菴中有烏窠禪師放生  
池白樂天題額

普濟院在前周鎮宋建明洪武八年重建

殿

藥師殿在雷西堡

張公殿在雷東堡

三官殿在三官鎮

江陰縣志

卷二十三

寺觀殿閣

三

三茅殿在秦望山中峯

閣

吳閣在東城內創始未詳明季兵廢

國朝乾隆五年知縣蔡澍卽城之東角樓建閣於上祀文昌

像後圮五十一年邑人楊昱陳琪卽明舊址倡捐建閣

三層奉關帝文昌魁星像於內

江陰縣志卷之二十三終

